

В пятницу 4-й седмицы Великого Поста

Глас 8

Песнь 1

Ирмос: Колесницегонителя фараона погрузи чудотворяй иногда Моисейский жезл, крестообразно поразив, и разделив море. Израиля же беглеца, пешеходца спасе, песнь Божии воспевающа.

Припев: Слава, Господи, Кресту Твоему Честному.

Господню пришедше днесь Кресту, умом чистым, и благочестивым разумом, приидите, поклонимся, предлежит бо, даруя ему поклоняющимся освящение же спасительное, сияние, и славу, и милость.

Слава, Господи, Кресту Твоему Честному.

Живодаровательный Крест предлежаще, и зримый, световидное сияние благодати испущает, приступим и примем просвещение веселия, и спасение, и оставление, хвалу Господеви приносяще.

Слава, Господи, Кресту Твоему Честному.

Предлежит странное зрящим видение, Крест Честный, и якоже источник кипит Божественными дарованиями, и утоляет прегрешения, и болезни разрешает, и мудрания укрепляет, чисто приходящим к нему.

Слава: Жезл проображаше Креста победу, море секущий, имже мы верою непотопленно преплаваем жития воду непостоянную, и токов всех грехов избегаем, и Божественныя тишины исполняемся:

И ныне: Егда Тя, Чадо, неизреченно родих, болезней избегох, и како ныне вся болезней исполняюся? Вижду бо Тя висима яко злодея на Древе, землю несдержанно повесившаго, глаголаше Всесвятая, плачущи.

Спаси от бед раби Твоя, Владыко Многомилостиве, силою Честного и Животворящего Креста Твоего, яко мы усердно к Тебе прибегаем, милостивому Владыце, Господу Иисусу.

Песнь 3

Ирмос: Утверждей в начале небеса разумом, и землю на водах основавший, на камени мя, Христе, заповедей Твоих утверди, яко несть свят, паче Тебе, едине Человеколюбче.

Слава, Господи, Кресту Твоему Честному.

Крест всех благих подательный, зрится поклоняемый, и вся тварь празднует в радости, просвещаемая благодатию, на нем волею вознесшагося Бога нашего.

Слава, Господи, Кресту Твоему Честному.

Осияваемы светом крестных луч, преполовением священного воздержания, омрачения грехов убежим, и возопиим: просвещение всех, Благоутробне Господи, слава Тебе.

Слава: Песнословим тя, Кресте, и облобызаем верою просяще, твоим могуществом изми нас от сетей вражиих, и управи ны всяк пристанищу спасения, почитающия

тя.

И ныне: Умерщвлѣну жизнь на Крестѣ зрящи, и не терпящи болѣзни утрѣб, рыдаше чистая Дѣва, взывающи: увы Мне, Сыне Мой, что Тебѣ народ беззаконный воздаде?

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебѣ прибегаем, милостивому Владыце, Господу Иисусу.

Господи помилуй. (Трижды.)

Седален, глас 6

Токмо водрузися Древо, Христѣ, Креста Твоего, основания поколебашася смерти, Господи; Егоже бо поглотити желанием ад, отпусти трепетом. Явил еси нам спасение Твое, Святыи, и славословим Тя, Сыне Божий, помилуй нас.

Слава: Крест Твой, Господи, освятися, в нем бо бывають исцеления болящим во гресех; имже Тебѣ припадаем, помилуй нас.

И ныне: Днесь пророческое исполнися слово: се бо поклоняемся на место, идеже стоятъ нозе Твой, Господи. И Древо спасения приемше, греховныхъ страстей свободу получилим, молитвами Богородицы, едине Человеколюбче.

Песнь 4

Ирмос: Ты моя крепость, Господи, Ты моя и сила, Ты мой Бог, Ты мое радование, не оставль недра Отца, и нашу нищету посетив. Тем с пророком Аввакумом зову Ти: силе Твоей слава, Человеколюбче.

Слава, Господи, Кресту Твоему Честному.

Державный покров же и исправление человеком, непреборимое оружие веры, Крест спасительный се зрится предлежащий, и всех сердца верно приходящих освящает, просвещает благодатию.

Слава, Господи, Кресту Твоему Честному.

В преполовение воздержания предлежащий, посреде всех преблагий Крест Честный среди земли, на немже вознесся еси волею, Человеколюбче, мир освящает своим поклонением, и прогоняет демонския полки.

Слава, Господи, Кресту Твоему Честному.

Небо и вся земля свеселится, страсотерпцы, мученицы, апостоли, души праведных радостно ныне радуются, вся спасающее видяще, предлежащее посреде Богодарованное Древо, и верныя освящающее благодатию.

Слава: Законы Твоя, Господи, безсовестный не сохранив, имам осудитися, егда приидеши с небес судити человеческая дела, отонудуже зову Тебѣ: силою Креста Твоего обратив мя спаси, покаяния подай ми слезы.

И ныне: Из девственных, Чадо, утробы Тя роди, и зрящи на Древе Тя висима недоумеваюся, и не поемлю высоты таинства, и глубины великихъ судеб Твоихъ, Всечистая вопияше; Юже гласы немолчными, яко Матерь Божию, убожаем.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебѣ прибегаем, милостивому Владыце, Господу Иисусу.

Песнь 5

Ирмос: Вскую мя отрунул еси от лица Твоего, Свете незаходимый, и покрыла мя есть

чуждая тьма окайнного? Но обрати мя, и к свету заповедей Твоих пути моя направи, молюся.

Слава, Господи, Кресту Твоему Честному.

Воскликните языцы, воспойте, и пойте, колена възиграйте Богу, давшему Крест, непоколебимое утверждение; того ныне во время воздержания наслаждаемся, питающе душу и помышление.

Слава, Господи, Кресту Твоему Честному.

Умная воинства ты вся почитают, Кресте всесвятый, и человецы бранными касающаяся тебе устнами днесь, почерпаем любовьию освящение и благословение, на Тебе пригвождагося славяще.

Слава: Души моея страсти исцели временныя, благоутробне Господи, и поклонника мя святых страстей Твоих сподоби, временем поста лучша мя покажи, и злых удаление даруй, Преблагий.

И ныне: На Кресте зрящи, благодати ради от Тебе, Всенепорочная, паче ума Родшася, уязвлялася еси утробами, и глагола: увы Мне, Божественное Чудо, како о всех болезнуеши? Покланяюся Твоему благоутробию, Господи.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

Песнь 6

Ирмос: Очисти мя, Спасе, многа бо беззакония моя, и из глубины зол возведи, молюся: к Тебе бо возоших, и услыши мя, Боже спасения моего.

Слава, Господи, Кресту Твоему Честному.

Кресту водрузившуся на земли, демоном падение бысть; егоже ныне зряще мы преславно предлежаща, и лобызающе, от падений греховных востаем.

Слава, Господи, Кресту Твоему Честному.

Возносяще Тя Христа, яко Царя и Господа, егоже даровал еси нам Крест, стену нерушимую, облобызаим, преполовением Божественнаго воздержания веселящися.

Слава: Велия всем нам дарования подай, Господень Крест зрится предлежащий, приступим, человецы, просвещение сердца и души почерпем.

И ныне: Поститися нам, Чистая, от злобы всякия укрепй, и злых и лукавых воздержатися деяний, присно, воспомагай, предстательство всех человеков сущая.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

Господи помилуй. (Трижды.) Слава, и ныне.

Кондак, глас 7

Не ктому пламенное оружье хранит врат Едемских, на тыя бо найде преславный союз Древо Крестное, смертное жало, и адова победа прогнася. Предстал бо еси, Спасе мой, вопия сущим во аде: внидите паки в рай.

Икос

Три кресты водрузи на Голгофе Пилат, два разбойников, и един Жизнодавца. Егоже виде ад, и рече сущим доле: о слуги мой, и силы моя! Кто водрузив гвоздие в сердце мое, деревяным мя копием внезапно прободе? И растерзаюся, внутренними

моими болю, утробою уязвляюся, чувства моя смущают дух мой, и понуждаются изрыгати Адама, и сущия от Адама, древом данныя ми; Древо бо сия вводит паки в рай.

Песнь 7

Ирмос: Божия снисхождения огонь устыдеса в Вавилоне иногда. Сего ради отроцы в пещи радованною ногою, яко во цветнице ликующе пояху: благословен еси, Боже отец наших.

Слава, Господи, Кресту Твоему Честному.

Времен вышший, во времени плоть носий является, и временныя страсти наша исцеляет благодати ради, во время воздержания, в неже предлежит Божественный сей Крест, освящаяй нас.

Слава, Господи, Кресту Твоему Честному.

Поём, славим, и покланяемся, и величаем Твою, Господи, Державу, яко подал еси нам, рабом Твоим, Крест Божественный, наслаждение неизживаемое, и хранителя душ и телес наших.

Слава, Господи, Кресту Твоему Честному.

Не покажи мя, Господи, в день испытания злыми унижена, не отрини от лица Твоего посрамлена, но ущедри, спаси мя Твоим Честным Крестом, яко Преблагий.

Слава: Прообразоваше благодать Твою, Кресте, услаждаяй Моисей воды горчайшия древом; ибо горести страстей избавихомся Твоею силою. Темже ны услади, целующия тя ныне во умилении душевнем.

И ныне: Ума моего тесноту Твоею молитвою расшири, Владычице, стеснившая вся наветы борца, и путем мя тесным настави, к пространству жития ити, Мати Божия.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

Песнь 8

Ирмос: Седмерицею пещь халдейский мучитель богочестивым неистовно разжже, силою же лучшею спасены сия видев, Творцу и Избавителю вопияше: отроцы, благословите, священницы, воспойте, людие, превозносите во вся веки.

Слава, Господи, Кресту Твоему Честному.

Древом иногда извлече от реки секиру Божественный Елисей, преднаписав тя издалеча, Кресте всечестный; от глубины бо прелести тобою к вере возведшися известнее, днешний день сподобляемся видети, и верою покланятися Тебе, объемлюще спасение.

Слава, Господи, Кресту Твоему Честному.

Подзнаменова издалеча тебе, Кресте всечестный, в благословениях Иаков явленнее; мы же в благодати удостоившися видети тя, верою несумненною приступаем вси, и касающиеся богатное благословение объемлем, и свет, и спасение, и прегрешений разрешение.

Слава, Господи, Кресту Твоему Честному.

Убелившися деяньми добродетельными, приступим воздержания преполовением веселящися, и облобызим верою Господень Крест; яко да того управляеми силою, совершим течение в добром произволении, и достигнем Божественную осияваемы страсть.

Слава: Единоестественна, собезначальна, соприсносущна, сопредельна, естество́ убо простое, разделительное же лица, Отца́ нерожденна, Сына, и Духа Святаго, несозданное существо и Божество́ вси воспевающе, поем: священницы, благословите, лю́дие, превозносите во вся ве́ки.

И ныне: Ны́не яко́ Агнца́ незлобиваго зрю́ Тя ви́сяща, и от беззаконных Кресту́ пригвожда́ема, Сы́не Мой пребезначальный, рыда́ньми терза́юся, и ма́терскими одержи́ма есмь бо́лезньми, Всечы́стая вопи́яше. Ю́же гла́сы немолчными по́йм по до́лгу во вся ве́ки.

Спаси́ от бед раби́ Твоя́, Влады́ко Многоми́лостиве, си́лою Честна́го и Животворя́щаго Креста́ Твоего́, яко́ мы усердно к Тебе́ прибега́ем, ми́лостивому Влады́це, Го́споду Иису́су.

Песнь 9

Ирмос: Ужасе́ся о сем не́бо и землі́ удиви́шася концы́, яко́ Бог яви́ся челове́ком плоти́ски, и чре́во Твое́ бысть пространнейшее небес. Тем Тя, Богороди́цу, Ангелов и челове́к чиновача́лия велича́ют.

Сла́ва, Го́споди, Кресту́ Твоему́ Честно́му.

Исцели́л еси́, Преблагий, моё́ сокруше́ние, на Кресте́ пригвожда́емъ гвоздми́ иногда́, рука́ма Твои́ма и нога́ма, Всецарю́, и в ре́бра пробода́емъ, о́цтом на́паяемъ и же́лчию, всех весе́лие, сла́дости сла́во, ве́чное избавле́ние.

Сла́ва, Го́споди, Кресту́ Твоему́ Честно́му.

Красе́н па́че сапфи́ра и зла́та, светоза́рен яко́ со́лнце еси́, Божество́нный Кресте́; лежа́ убо́ ме́стом опи́сан, и у́мными си́лами всю́ду окружа́емъ стра́шно, луча́ми же́ Божество́нными Твоея́ си́лы, просвеща́яй вселе́нныя исполне́ния.

Сла́ва, Го́споди, Кресту́ Твоему́ Честно́му.

Крест бу́реваемых е́сть приста́нище, наста́вник заблужда́ющих и утвержде́ние, сла́ва Христо́ва, си́ла апо́столов и проро́ков, по́стников держа́ва, всех челове́ков прибе́жище. Того́ посреде́ предлежа́ща вси зря́ще, воздержани́ем лобыза́им.

Слава: Егда́ има́ши приити́ на зе́млю суди́ти ми́ру, е́гоже созда́л еси́, Го́споди, а́нгельским преды́дущим Твои́м во́инством, и Кресту́ просия́вающу па́че заре́й со́лнечных. Того́ мо́гутством ущедри́ мя, и спаси́ па́че всех челове́ков прегрешивша́го.

И ныне: Тле́ния Тя́ кроме́ роди́х из чре́ва, пре́жде век Е́гоже Оте́ц роди́, и ка́ко тле́еши? Челове́цы терза́ют Тя́, Сы́не, и ре́бра ископова́ют копи́ем, и ру́це с нога́ма пригвожда́ют безчелове́чно, Всечы́стая вопи́яше. Ю́же досто́йно велича́ем.

Спаси́ от бед раби́ Твоя́, Влады́ко Многоми́лостиве, си́лою Честна́го и Животворя́щаго Креста́ Твоего́, яко́ мы усердно к Тебе́ прибега́ем, ми́лостивому Влады́це, Го́споду Иису́су.